

明

史

明史卷四十一

志十五

五行四 金

傳曰好戰攻輕百姓飾城郭侵邊境則金不從革又曰言之不從是謂不艾厥咎僭厥罰恒暘厥極憂時則有詩妖訛言時則有介蟲之孽時則有犬旤時則有口舌之病時則有白膏白祥唯木沴金

五行家凡金石之妖旱詩妖民訛毛蟲之孽蒼白氣白氣地生麩天雨紙錢鐵佛動雨錢鏡舞皆屬之金今從其類

金異

洪武八年庫中銀錢飛時南臺民家屋瓦上有錢墜立各貫以竹背庫錢也又一日廣積庫內有鎮庫銀重百鈞忽飛出一儒生夜坐見田間火起因標識之比旦往視去土尺許得白銀有硃填廣積字重不可舉聞於官太祖曰此天畀是儒也其賜之十一年正月元旦早朝殿上金鐘始叩忽斷爲二六月丁卯夜寧夏衛風雨兜鍪旗纛皆有火光十二年十二月甲子徐州衛譙樓銅壺自鳴乙丑復鳴是歲胡惟庸并中生石筭去之筭復旁出者三次年惟庸伏誅建文元年三月丙辰燕王營於蘇家橋兵端有火光

如毬擊相止下金鐵錚錚作聲弓弦皆鳴是歲得青
玉於雪山踰二尺質理溫栗

正統十年濟源縣濟瀆廟有花銀瓶一自池中浮出
成化十三年六月壬子雨錢於京師

弘治十三年六月西安府道安里獲玉璽有常命於
天既受永昌八字皆篆文

正德四年三月甲寅蓋州衛城樓鐘自鳴者三七年
山東文登縣奏始皇廟鐘鼓自鳴成山衛亦如之

嘉靖六年五月甲午京師雨錢十三年二月乙亥雲
陽縣民獲異石以獻云用水灌之可照人影西域賈

胡言此祈雨所用札丹石也旱時置水中呪之可致雲雨三十四年麻城人吳尚堯詣雲南定邊縣於石峒懸崖間梯而上從石乳隙中取物三枚云是龍涎具有鱗甲及風雷變態之狀

隆慶元年七月遼東旗鎗出火民間金釜皆鳴六年七月七日直隸華亭縣見有物轟轟飛來至海濱入圍墜於地乃鐘也其鑄時年月具在識者謂其來自閩云

萬曆二十一年十月甲申山東督撫令旗及刀鎗頭皆出火且有聲二十五年五月癸丑山東按臣王立

賢奏兵端生火光二十六年五月庚寅古浪城樓大鐘自鳴者三二十八年九月鄖陽巡撫鄭國任奏公署東北角樓上鐘大鳴亦如之

天啓四年玉璽見漳河之濱六年五月六日京城石獅擲出城外銀錢器皿飄至昌平閱武場中七年秋天台山石梁下龍潭湧大金錢六枚重一兩餘上鐫太平通寶司土者稽諸縣誌蓋宋太宗賚以鎮潭者也凡閱七百餘歲而沈者忽躍此金石之妖也

崇禎六年五月癸巳有鐵釜飛落霍山縣十一月辛亥四川定遠堡龍洞內銅鼓有聲自辰至午七年七

月敘州母豬龍洞銅鼓聲聞一日夜八年十二月辛
巳夜四鼓山東鎮南城樓上大砲鳴如鐘至黎明大
吼一聲乃止十年三月會稽山石言聲如鐘是年太
湖縣楓香店軍營刀鎗上火光閃爍砲空鳴十一年
二月壬子西安府兵端出火光迸裂有聲十三年三
月十五蘄州城隍廟古鐘不擊自鳴十四年三月二
日遊擊張國安巡河至趙家塲刀鎗上火星灼灼夜
刻戢如星十七年二月大學士魏藻德寢夜聞有兵
仗之聲

洪武元年揚州自五月不雨至於七月廣德太平寧國和滁諸府州旱傷禾稼三年六月戊午朔帝以久不雨素服草履徒步出詣山川壇設藁席露坐晝曝於日頃刻不移夜卧於地衣不解帶皇后與諸妃俱執爨爲微時農家之具皇太子奉盒進蔬食雜以麻麥菽粟壬戌旦乃大雨是歲山東亦不雨四年陝西河南山西及北平河間永平直隸常州臨濠等府旱五年五月命皇后妃嬪各蔬食久不雨也是歲北平清獻隆平三州縣及遼東金復二州旱六年饒陽縣四月不雨至於六月衛輝延安汾州和州並旱七年

春汲縣旱無麥苗夏北平州縣四十二旱永和縣自
春至秋不雨八年滄州景州旱應天太平寧國鎮江及
湖廣蘄黃諸府州尤甚九年京師久旱至四月庚戌
始雨饒州府及濠州昌黎盧龍還安撫寧並旱十年
五月河間府旱十一年七月蒲城郃陽縣旱十五年
鳳陽和州旱十七年西安府旱傷稼二十二年開封
彰德及永城縣春夏曠旱二十三年山東旱二十四
年京師三月不雨至於五月二十六年京師大旱詔
求直言

永樂四年八月北京通深景晉四州及東鹿等七縣

旱五年廣西柳州正月不雨至於六月十六年陝西
旱十八年鳳陽府所屬州縣旱二十年寧晉縣夏秋
不雨

宣德元年夏江西久不雨陂塘多涸田稼焦枯湖廣
武陵等縣二十六夏秋亢旱禾稼盡傷二年南直湖
廣山東山西陝西河南州縣五十餘旱四年高唐州
并平原夏津陵三縣自春不雨至於五月六年慶都
縣春夏旱七年河南南州縣四十四大名府所屬州縣
七夏秋旱八年南北直隸河南山東山西自春徂夏
不雨湖廣沔陽州及光化等縣並旱九年南直湖廣

江西浙江及真定濟南東昌兗州平陽重慶所屬沅
早摘禾苗十年幾輔旱

雍正元年淮安四月不雨至於六月壽州尤甚松江
大旱自六月不雨至於十月二年河南各府州縣春
旱順德兗州蒲州春夏旱平涼等六府州縣秋旱苗
稼災傷三年金華台州紹興武昌荊州襄陽鳳陽揚
州九江諸府俱旱六月丁卯遣官祭大小青龍之神
以久不雨也四年直隸陝西河南及山西之太原平
陽春夏並旱五年江西夏秋旱直隸建平四川重慶
湖廣衛州辰州長沙等府及郴州沅州衛自六月不

雨至於八月六年陝西旱南北直隸浙江湖廣山西
府州縣十五春夏並旱七年南直隸浙江湖廣江西
府州縣衛二十餘大旱傷稼八年六月徐州旱直隸
霸州文安縣春夏不雨山東萊陽文登棲霞三縣夏
秋旱禾稼無收九年京畿內外春無雨是歲陝西州
縣數月不雨真定河間二府自九月亢旱至於明年
四月十年南直隸湖廣河南山西山東府州縣十三
旱十一年湖廣及四川重慶等府夏秋旱十二年南
直隸及山西湖廣等府七夏旱苗枯十三年西安平
涼秦不雨鎮江寧國池州廬州辰州等府及各州衛

六月七月旱禾苗槁死十四年六月順天保定河間
真定四府旱

景泰元年畿輔山東河南旱二年陝西四府九衛旱
四年江西旱四年南北直隸河南數月不雨武昌黃
州荊州三府亦如之五年畿輔春夏不雨山東河南
旱六年五月帝以不雨躬自禱是年南直及山東山
西河南陝西江西湖廣等府三十三及州衛十五皆
旱七年湖廣浙江旱又南直江西山西凡一十七府
旱

天順元年夏雨京不雨杭州寧波金華均州江津長

壽亦旱二年順天直隸山西河南春夏不雨三年南
北直隸浙江湖廣江西四川廣西貴州所屬州縣衛
皆旱四年五月京師不雨濟南青州登州肇慶桂林
甘肅諸府衛夏旱稿禾稼五年應天鳳陽鎮江滁州
并南京錦衣等衛連月亢旱傷稼七年北畿旱濟南
青州東昌衛輝自正月不雨至於四月六月桂林等
府旱八年山西大同自春不雨至於七月

成化元年延安德安大同旱三年湖廣江西旱南京
鷹揚等十一衛亦旱四年兩京春夏不雨湖廣江西
及南直建德東流二縣旱五年汝州旱六年二月丁

丑車駕詣南郊山川壇禱雨五月山東旱遣官祭告
嶽鎮是年直隸河南陝西四川府縣衛多告旱焉八
年京畿連月不雨運河水涸遣官祭告天地社稷山
川并淮瀆東海之神直隸順德真定湖廣武昌等府
縣俱旱九年三月春旱禱雨又河南彰德衛輝山西
平陽等府旱十年江西南昌等府陝西延綏諸衛旱
十一年京師不雨十二年五月順天旱十三年四月
京師旱是歲真定河間并湖廣長沙諸府皆旱十五年
江西南京省大旱十六年三月以久旱遣官祭告
天地社稷山川是歲順德及鳳陽徐州濟南河南府

皆旱十七年三月戊寅久旱祈雨是歲直隸大名等
府萬全都司所屬皆旱十八年兩京及湖廣河南陝
西府十五州二旱山西大旱十九年順天及遵化府
衛五皆旱山西復旱二十年京畿山東湖廣陝西河
南山西俱大旱二十一年直隸鳳陽諸府旱二十二
年四月甲申帝以不雨遣官祈禱六月陝西旱蟲鼠
食苗稼九十五州縣八月北畿及江西吉安等三
府旱九月溫台二府大旱湖廣長沙諸府亦旱二十
三年四月亢旱禱雨五月乙卯以亢旱遣廷臣分禱

天下山川

弘治元年南直河南四川及湖廣武昌等府州縣衛
旱三年南北直隸陝西山東山西湖廣貴州及河南
之間封旱四年浙江之金華杭州廣西之桂梧潯南
榔慶八府及陝西洮州衛旱五年春夏不雨六年北
直山東河南山西及湖廣襄陽南直徐州旱七年福
建四川山西陝西遼東旱八年京畿陝西山西湖廣
江西大旱九年應天鎮江大同十一州縣衛旱十年
順天淮安太原平陽西安延安慶陽七府各州縣衛
旱十一年貴州春夏不雨是歲河南山東廣西江西
山西等府一十有八俱旱十二年春京師不雨夏河

南彰德等四府旱秋山東及山西之大同北直之保
案浙江之太平皆旱十三年三月庚午禮部以久旱
請禱帝命致齋三日祭告郊壇是歲慶陽太原平陽
汾潞二州旱十四年遼東鎮自春至秋不雨河溝盡
涸臨洮漢中平涼及保安各州縣衛秋不雨十六年
夏京師大旱直隸蘇松常鎮夏秋並旱十七年畿內
及山東河南江北春夏雨十八年北京及應天錦
州等四十二衛旱

正德元年西延慶三府二十六州縣衛旱二年貴州
山西旱三年江南北並旱四年春京師旱自三月已

或至七月己亥遣官祈禱者三是年陝西亦旱五年
京師不雨陝西綏德慶陽等州縣衛所旱六年長興
等六縣及昌國衛旱七年直隸鳳陽蘇松常鎮山西
平陽太原陝西臨鞏九府旱八年畿輔旱又閩封次
固及浙江開化等六縣旱九年順天河間保定廬鳳
淮揚七府及遼東衛旱十一年北畿及兗州西安大
同等府各州縣衛旱十二年登萊二府及遼東春夏
不雨十三年河間濟南東昌兗州等府州縣旱十四
年蘭州河州及隴西等九縣四衛旱十五年淮揚鳳
州縣三十六及臨鞏甘州等府衛旱十六年南北直

隸山東河南山西陝西自正月不雨至於六月又定
遼遼海三萬東寧等衛旱

嘉靖元年三月癸亥命順天府祈雨六月甲申又禱
是歲~~遼~~直江西浙江湖廣四川遼東等處旱災二年
南北直隸山東河南湖廣江西及浙江之嘉興山西
之夫同四川之城都俱旱赤地千里殍殮載道三年
自正月不雨至於四月命順天府祈禱是歲山東旱
五年江左大旱六年四月乙丑禮部以天旱請祈雨
是年真順廣大四府河南山西及鳳陽淮安俱旱七
年北畿湖廣河南山東山西陝西大旱八年二月丁

丑命順天府祈雨是年臨洮鞏昌二府旱山西亦旱
九年應天蘇松等府旱十年春夏不雨陝西山西大
旱十一年自二月不雨至於四月湖廣陝西大旱十
二年春二月不雨帝祈禱不應因製自咎說示羣臣
遼東亦旱十七年夏四月兩京山東陝西福建湖廣
大旱十九年畿內旱發帑金賑之四川順慶府亦旱
二十年三月京師久旱帝親禱雨二十三年湖廣江
西旱二十四年南北畿輔山東山西陝西浙江江西
湖廣河南俱旱二十五年南直隸江西旱二十八年
河南陝州等州洛陽等縣旱二十九年北直山西陝

車旱三十年京師踰時不雨延安府所屬州縣旱災
三十一年五月壬辰以久旱遣官祈雨三十二年四
月丙子祈雨於內殿三十三年兗東二府及淮揚徐
武昌等府俱旱三十四年陝西西安延平五府及山
西太原俱旱三十五年夏山東旱三十七年五月京
師大旱禾盡槁山西渾源等處旱三十八年三月帝
親禱雨於雷宮直隸蘇松等府旱三十九年七月己
巳帝親禱雨於宮中太原延安慶陽西安諸府俱旱
四十年京師不雨保定等六府旱四十一年西安等
六府旱是歲以入夏少雨帝躬禱于禁中遣官奏告

郊廟社稷神祇及朝天等六宮廟四十二年三月己未以入夏無雨帝親禱於洪應宮遣官祭告亦如之四十四年四月不雨帝復親禱如前是歲濟寧等十三州縣旱

隆慶二年浙江福建四川陝西及淮安鳳陽等處大旱四年京師夏旱詔諸司停刑六年夏京師不雨萬曆元年八月山西平陽府旱十年二月甲午帝諭閣臣去歲秋冬雨雪愆期今春農務何賴朕甚憂之命禮部竭誠祈禱是夜大雨十二年八月庚戌朔河東鹽臣言解池旱涸鹽花不生十三年二月京師旱

自去秋不雨至今八月河井並竭十四年三月己巳
以久旱命順天府祈禱十五年四月戊子祈雨十六
年蘇松大旱十七年蘇松連歲大旱震澤化爲平陸
二十四年杭嘉湖三府旱魃爲虐禾苗失種二十六
年四月壬申詔百官修省禱雨二十九年五月畿輔
山東山西河南及貴州黔東諸府衛旱三十四年夏
京師亢旱三十五年五月甲子禱雨三十七年楚蜀
河南山東西全陝皆旱三十八年濟青登萊四府大
旱三十九年四月旱禱雨四十二年夏京師不雨四
十二年三月不雨至于六月遣官分禱是歲山東春

夏大旱田禾枯槁千里如焚四十四年陝西旱秋冬
廣東大旱四十五年春京師不雨夏畿南亢旱四十
七年廣西梧州旱赤地千里是歲鳳陽淮揚亦旱
泰昌元年遼地旱

天啓元年京師久旱二年三月辛酉命禱雨三年三
月甲寅禱雨五年真順保河四府三伏不雨秋復旱
六年六月不雨遣官分禱淮揚廬鳳各府屬春夏旱
七年四月己酉禱雨時四川各州縣夏秋大旱禾稼

盡枯

崇禎元年夏畿輔旱魃爲災赤地千里遣官分禱山

川社稷風雲雨雷壇三年三月京師旱命欽天監擇
日親禱四年四月夏旱五年杭嘉湖三府自八月至
十月七月旬不雨六年京師及江西旱十年夏京師及
河東不雨江西大旱十一年兩京及山東山西陝西
旱十二年畿南山東河南山西浙江旱十三年南北
直隸及山東登青萊三府旱十四年兩京山東河南
湖廣及宣大邊地旱十五年四月癸丑禱雨遵化縣
三屯大旱

詩妖

太祖吳元年張士誠委政於其弟士信及王敬敷葉

德新蔡彥夫用事時有十七字謠曰丞相做事業專
用黃葉葉一朝西風起乾別洪武五年五月中書左
丞王溥受命督採林木至建昌蛇舌崑上有衣黃衣
者訶曰龍蟠虎踞勢岌蹙赤帝重興勝六朝八百年
終王氣復重華從此繼唐堯其聲如鐘訶已忽不見
又太祖夜坐懿文太子及太孫侍側太祖命咏新月
懿文詩曰昨夜嚴陵失釣鈞何人移上碧雲頭雖然
未得圓團相也有清光照九州太孫詩曰誰將玉指
甲掐破碧天痕影落江湖裏蛟龍不敢吞太祖覽之
不悅蓋未得圓團影落江湖俱非吉兆也

建文初年有道士歌於途曰莫逐燕逐燕日高飛高
飛上帝畿已忽不見又建文君常有詩云是日乘輿
看晚晴葱葱佳氣滿金陵禮樂再興龍虎地衣冠重
整鳳凰城人以爲文皇識也

正統二年京師旱街巷小兒爲土龍禱雨拜而歌曰
雨帝雨帝城隍土地雨若再來還我土地未幾有監
國即位之事繼又有復辟之舉說者謂雨帝者與弟
城隍者邸王再來還土地者復辟也以帝與弟同音
至後始驗

正德六年正月賜指揮同知李瑾等金織飛魚袋自

劉瑾專政以鱗魚服色爲贖貨之資武將閹宦下至
厮養陳乞紛然時有五十兩一件鱗之謠云

萬曆末年有道士歌於市曰委鬼當頭坐茄花徧地
生北人讀客爲措茄又轉音後爲魏忠賢客氏之兆
云

崇禎元年内侍於五鳳樓前獲一黃袱內襲小函一
卷題曰天啓七崇禎十七還有福王一後果驗云八
年正月川貴總督朱燮元招撫回民謠云今日撫明
日撫過付金銀十萬五十七年正月沅州銅仁連界
掘一古碑上有字二行云東也流西也流流到天南

有盡頭張也敗李也敗敗出一個好世界又成都東門外鎖江橋畔有迴瀾塔萬層中布政余一龍所修張獻忠破蜀毀之穿地取磚得古碑上有篆書云修塔余一龍折塔張獻忠歲逢甲乙丙此地血流紅妖運終川北毒氣播川東吹簫不用竹一箭貫當曾漢炎興元年丞相諸葛孔明記後獻忠射死如左券云明初有十八子之讖李闖遂以此鼓惑中原復倡爲開城門迎闖王迎仔闖王不納糧之謠令軍中傳誦之故河北多逐長吏迎賊時又有謠曰鄴臺復鄴臺曹操再出來賊羅汝才自號曹操此其驗也

訛言

正德十年三月訛言選女入宮民間女雖未及笄者多嫁之

嘉靖二十年四月辛酉京師東草場火訛言火在宗廟入夜果火羣廟俱燼獨睿廟存三十四年十二月浙直訛傳有物如蝴蝶夜入人家變幻飛走禦之被傷如爪痕民間鳴鑼擊鼓或言是馬道士妖術官司捕逐不得尋亦止息

隆慶二年正月江南訛言京師遣內臣選宮女於各省自是民間室女箝婦苟且婚配老少殆盡士大夫

家亦爲之後多構訟彌年乃定

萬曆末年民間好葉子戲圖起宋時山東羣盜姓名於牌而闖之至崇禎時尤盛行以百貫滅活爲勝負有曰闖曰獻曰大順後皆驗

毛蟲

洪武元年閏七月師次通州元主集羣臣會議端明殿門啓有二狐自殿上出走元主太息曰殿安所得狐此天告我也遂北去四年九月三佛齊國貢黑熊五年七月河南獻白兔命放之野十年十月初三有虎白日入漢西門傷二軍人其一死十一年八月高

邳州獻白兔十二年二月羽林衛進白兔十四年十
二月常德府虎多傷人帝命選三衛勇敢士百八十
三人從唐哈散往捕哈散回回人善搏虎二十四年
十一月占城貢犀牛

永樂二年九月丙午周王橐來朝獻騶虞性仁而馴
白質黑章猊首虎身其狀孔威不可迫視十一年五
月丁未曹縣獻騶虞十二年七月戊寅宜陽縣民獻
白兔九月丁丑榜葛剌國王賽弗丁遣使獻麒麟十
三年九月戊申西域貢獅子十一月壬子麻林國及
諸蕃進麒麟天馬神鹿十六年八月庚辰滄州進白

兔羅州獻子兔十八年二月戊午烏撒衛指揮僉事
蔡禮進白兔六月乙亥黔國公沐晟等進白鹿十九
年八月癸卯河間縣進白兔二十年十一月戊寅鄭州
獻白兔

宣德四年二月襄城伯李隆獻騶虞二云出滁州來
安縣石固山素質黑文馴狎不驚八年閏八月編修
許彬以麒麟獅子福鹿子虎四祥進

正統三年十月榜葛刺國貢麒麟九年七月秦州衛
進玉兔

景泰四年五月辛未瓜哇國貢白鹿二白猴一

天順三年十月唐王芝壩進白鹿帝致書曰朕聞鹿
壽千歲其色始白今出於封內足見和氣所召四年
八月乙卯總旗金聲獻白兔

成化十九年四月癸酉撒馬兒罕遣使貢獅子

弘治二年十一月土魯番遣使進獅子及鸚鵡帝曰

珍禽奇獸朕不受獻令廣東守臣却之九年八月丁

亥有黑熊自都城蓮池畔援附上城西直門官軍逐

之乃入地不能獲嚙死者一人傷者一人十一年六

月京師西直門有熊入城守衛者不覺兵部郎中何

孟春謂熊之爲兆旣當備盜亦宜慎火以熊於字能

火也是年城內所在有火災

嘉靖五年七月癸未南城縣有虎具人手足噬人畜

十一年十一月甲寅四川撫臣獲白兔于梁山以獻

十二年正月丙午河南撫臣吳山獲白鹿于靈寶縣

以獻又巡撫應天都御史陳軾獻瑞兔十六年正月

戊子徽王厚熹得白兔爲之頌獻於朝十七年十二

月己未伊王進白兔二十四年正月丁未黃岡縣進

瑞兔八月戊戌永和王知燠進白鹿賀萬壽節百官

稱賀擇日告廟三十二年二月丁巳羅田縣進白兔

三十三年五月丙午和順左文英獻瑞兔三十七年

四月丁亥督臣胡宗憲獻白鹿七月癸巳胡宗憲再
進白鹿三十八年七月辛亥鳳陽巡撫李遂獻白鹿
二三十九年秋胡宗憲進白鹿壽芝十二月戊午陝
西撫按官各獻白鹿四十年三月辛未南京指揮徐
繼勳獻白兔四十一年二月庚辰錦衣衛指揮嚴鵠
獻玉兔一六月丙辰瑞兔生子四七月戊戌瑞兔四
各生二子帝謂天垂祥于仲秋前應朕生辰也乃令
駙馬謝詔告太廟四十二年四月辛亥西苑玉兔復
生子廷臣表賀七月己丑西苑玉兔生五卯守者以
爲壽徵帝喜四十三年五月乙卯夜白兔生二子未

聊生如瑾者比比也淮北山東亦饑

弘治元年應天及兩浙饑二年鳳陽饑六年山東饑
七年保定真定河間饑八年蘇松嘉湖四府饑十四
年順天永平河間河南四府饑遼東大饑十五年遼
東荐饑兗州府亦饑十六年浙江饑金衢尤甚山東
及淮揚廬鳳徐滁和府州七民艱食十七年淮揚廬
鳳荐饑人相食發瘞皆繼之十八年延安等府饑
正德三年南京廬鳳淮揚饑四年蘇松常鎮四府饑
五年山東旱饑七年嘉興金華溫台寧紹六府乏食
八年河間保定饑九年春永平等府饑民食草樹殆

盡有闔室死者秋關陝凶饑十一年順天河間饑河南大饑十二年春順天保定永平饑十三年蘇松廬鳳淮揚六府水饑十四年冬遼東饑直隸淮揚等府尤甚十五年宣府乏食十六年遼東饑

嘉靖二年應天府及滁州等處大饑三年京師大名湖廣河南及臨清州饑南畿諸郡大饑有婆婦劉氏食四歲小兒百戶姚臣王堂以子鬻母軍餘曹洪以弟殺兄王明以子殺父無復人道臭彌千里四年河間瀋陽大同三衛饑五年順天保定河間大饑六年遼東大饑七年陝西固靖衛饑八年真定廬鳳淮揚

徐潞和府州七及山東河南湖廣山西陝西四川饑
襄陽尤甚九年畿內河南湖廣山東山西大饑十一
年大同饑十二年北直隸饑山東尤饑十五年湖廣
大饑十七年京師內外饑十八年鄭鈞二州饑十九
年河南鄆襄饑二十年保定遼東饑二十一年順天
永平饑二十四年南直饑順天永平又饑二十五年
京師饑江西亦饑二十七年鞏昌漢中大饑二十八
年蘭州饑三十一年宣大二鎮大饑人相食三十二
年直隸廬風淮揚山東河南並饑陝西尤饑三十三
年順天及榆林饑三十四年西安府饑三十六年遼

東大饑人相食三十九年順天永平饑四十年南北
直隸山西並饑四十三年北畿山東大饑四十四年
京師民饑四十五年淮徐饑

隆慶元年蘇松二府大饑二年湖廣饑

萬曆元年淮鳳二府饑民多為盜七年柳州府所屬

五州縣旱災民饑八年兩淮各竈場饑九年解蒲二

州乏食十年延安慶陽平涼臨洮鞏昌大饑十三年

湖廣饑十五年七月部臣奏黃河以北民食草木富

平蒲城同官諸縣以石為糧

石出三
縣蒲山

蘇松亦饑十六

年河南饑民相食死亡枕籍蘇松湖三府並饑十七

年南渠二縣饑二十二年河南大饑給事中楊東明
繪饑民圖以進巡按陳登雲進饑民所食雁糞帝覽
之動容二十七年三河及興營神武等三衛饑流民
多就食京師二十八年山東及河間府饑二十九年
畿輔饑阜平縣民有殺其六歲兒烹食之蘇州饑民
毆殺稅使官七人三十七年三晉饑四十年畿輔荐
饑多道殣中都尤甚四十三年浙江饑四十四年山
東饑甚人相食河南及淮徐亦饑四十五年畿內旱
民食草木多扶老襁幼南逃就食者相望于道山東
濟上各屬並饑四十六年陝西饑四十八年湖廣荐

饑

崇禎元年陝西饑延鞏爲甚饑民相聚爲盜二年秦
晉饑四年陝西全省饑五年江北淮安諸郡饑流殍
載道六年陝西山西大饑淮揚荐饑力不能流移者
或投河或夫妻雉經于樹鹽城教官王明佐饑甚自
縊官署七年京師饑御史龔廷獻繪饑民圖以進太
原大饑人相食永寧州饑民蘇倚哥兒殺其父蘇學
食之母王氏同食九年南陽荐饑有母烹其女者是
歲江西亦饑十年兩浙大饑父子兄弟夫妻相食十
五年兩京山東山西陝西江西饑河南大饑人相食

盧氏嵩伊陽三縣尤甚十三年畿輔齊豫秦晉兩浙
三吳皆饑自淮而北至畿南樹皮食盡發瘞齒繼之
村落爲虛十四年南畿饑金壇縣民于延慶寺近山
忽見有人云此地深入尺餘其土可食如言取之淘
磨爲粉粥而食取者日衆又有十里長山亦出土堪
食其色青白類茯苓又石子澗土黃赤狀如猪肝俗
呼爲觀音粉食之多腹痛後墜卒枕籍以死是歲畿
南山東荐饑德州斗米千錢父子相食行人斷絕大
盜滋起十五年濮州湖州饑

桓風

洪武二年二月丁丑大風戊寅夜大風三年五月丙
辰定安縣大風七月丁亥大風四年七月辛亥廣東
番禺等縣颶風發屋拔木凡三日乃止五年五月乙
卯即墨膠州大風八月乙酉嶧義烏餘杭三縣各犬
風癸卯高麗貢使渡海洋遭颶風舟覆溺死三十九
人七年正月壬午暴風十一年八月蘇州諸府風潮
十二年三月辛未己未俱暴風十三年二月丁卯風
自西北大有聲壬申乙亥俱暴風六月乙丑大風癸
未冇風自東北大冇聲七月癸巳有嵐自東南亦如
之十四年正月丙午夜暴風自東北來十九年九月

戊戌暴風二十年閏六月癸丑大風二十一年六月
癸卯朔大風二十三年七月癸巳通州海門縣風潮
壞官民廬舍漂溺者衆二十五年八月戊午杭州府
大風三十年十二月昌邑縣大風拔木

永樂八年七月平陽縣風潮漂廬舍九年七月海寧
縣風潮溺死居民壞廬舍城垣

洪熙元年二月丁卯有暴風至自東南

宣德三年六月滑縣暴風

正統四年六月乙巳南京大風七月蘇松常鎮四府
大風拔木殺稼九年六月庚辰大風拔樹

景泰元年三月壬子南京大風二年廷試日疾風掣
進士王越卷颺去逾年高麗貢使攜進後越以邊功
封威寧伯五年六月易州大方社大風拔木七年二
月己酉暴風拔木飛沙越日方已

天順元年四月烈風二年二月九日暴風拔孝陵松
樹懿文陵靈殿獸脊梁柱多摧三年四月順天河間
真定保定廣平濟南連日烈風麥苗不實八年大風
飄瓦拔木壞郊壇

成化三年四月丁酉己刻西北風揚塵蔽天至申漸
散十二年正月丁巳夜大風十四年八月丁未南京

大風拔太廟樹十五年八月辛卯大風拔孝陵木二
十年三月己丑南雄府大風揚沙拔木二十一年五
月南京大風拔太廟樹摧大祀殿及皇城各門獸吻
二十三年十一月甲寅大風揚塵蔽空良久止十二
月戊寅大風揚塵壬午大風塵四塞

弘治元年七月帝以免喪祭告孝陵陰雲忽變暴風
大作三年六月壬午朔陝西靖魯衛大風天昏地暗
變爲紅光如火久之乃息七年三月己亥廣寧等衛
狂風大作瀋陽錦州城爲大風所作者百餘丈八年
三月戊子遼東鎮東等堡狂風天黃黑已酉邳泗清

河安東儀真桃源州縣七暴風十四年六月辛巳漢
中大風十六年二月初三日宜良縣狂風晝夜不息
四月辛亥甘肅大風拔木

正德元年六月辛酉暴風折郊壇松栢及大祀殿齋
宮九月戊戌是夕大風揚塵蔽空明日息二年閏正
月乙丑大風壞奉天門右吻三月丙寅大風揚塵蔽
空日入乃息五月戊寅洗馬林堡狂風傷禾拔木三
年二月辛巳西北風揚塵四塞己丑山西大同暴風
大作天日晦冥屋瓦飛動三日而止九年二月丁巳
長樂縣大雨雹狂風震電屋瓦皆飛五月戊辰曲阜

縣暴風毀宣聖廟獸吻十二年四月丙辰來賓縣大
風雨雹拔木毀官民廬舍屋瓦皆飛十一月癸巳南
京大風雪仆孝陵殿前樹及圍牆內外松栢十二月
己酉大理衛大風壞城樓十三年三月甲寅慶符縣
大風雹拔木偃屋壞學宮六月壬辰祔孝貞皇太后
于太廟雷電風雨大作燭盡滅十四年六月己巳西
安府大風拔木十六年十二月辛卯甘肅行都司狂
風聲如牛吼壞官民廬舍樹木無算

嘉靖元年正月丁卯大風揚塵七月己巳南京暴風
雨郊社陵寢宮闕城垣吻脊欄皆壞拔樹至萬餘株

三年四月丙申無極縣有怪風自西北來先紅繼黑
起尺不辨人折樹木雞犬亂鳴有頃震雷暴雨五年
禮部奏大風捲廟宇及民舍百餘家六年六月癸丑
鎮番衛大風拔木十九年三月乙巳京師暴風二十
九年二月壬申大風揚塵四塞二十七年三月丁丑二
十九年二月壬戌三月丙子辛卯四月丁未亦如之
三十一年二月丙子大風塵蔽天三十三年十二月
己丑三十五年四月丙午八月戊申九月庚辰三十
九年九月丁亥四十一年正月壬辰四月丙辰十月
己丑十一月乙未並同十二月京師大風占曰應在

土功工部請築重城四十三年正月丁丑夜大風次日又風三月癸亥大風揚塵四十五年正月戊申亦如之

隆慶元年十二月丁酉夜大風塵四塞二年正月丁丑大風揚塵三月己未十月庚寅亦如之五年正月己丑大風揚塵四塞

萬曆元年四月甲寅京師大風十二月丁巳大風十年四月辛卯大風揚塵四塞十三年三月丁丑日亭午大風從西北來黃埃蔽天四月壬戌日晡大風揚沙蔽日十五年正月庚寅朔大風自東北來天日晴

朗四月壬戌大風自西北揚塵漲天自午至申方息
十八年三月甲辰大名狂風白晝晦冥仰視天色乍
黑乍赤二十六年十月癸亥喜峰路臺西北樓內旋
風火作聲震地黑氣衝天樓內有火光三十四年七
月丙戌大風拔朝日壇大槐樹三十六年三月壬子
四月丁巳並黃塵四塞三十七年三月丁未大風揚
黃土四方昏濁四十一年八月乙未青州大風拔樹
傾城屋四十四年四月甲子夜烈風四十五年七月
丁卯狂風驟起屋瓦俱震四十六年二月甲辰大風
黃塵四塞三月庚午天氣晴朗忽空中有聲如濤狂

風四作黃塵蔽天日色晦冥起尺莫辨六月壬申大風四十七年三月甲午夜狂風

天啓元年三月辛亥大風揚塵四塞命太常寺以六月二十二日祀火德之神著爲令五月甲辰夏至祀地于方澤大風塵四塞六年正月戊辰二月己丑癸巳庚子三月乙卯並大風揚塵

崇禎十年閏四月辛酉樂平縣狂風十一年二月壬子廣東怪風十四年五月初四日南陽颶風大作拔屋飛瓦七月乙亥福州府大風壞官署及民舍禾稼漂沒壓溺死者甚衆十五年五月十三日保定廣平諸

縣怪風麥禾俱傷十七年正月乙卯命李建泰出師
帝親賜卮酒且目送之甫行大風揚沙杆折占曰不
利

風霾晦冥

太祖吳元年六月丙午朔日有食之晝晦洪武十八
年春二月久雨陰晦不解

建文元年七月癸酉燕王起兵時風雲四起咫尺不
見人少焉東方露青天僅尺許有光燭地洞徹上下
正統九年十二月甘肅大風晝晦

景泰元年閏正月京師烈風晝晦五年京師黃沙四

寒晝晦六年二月黃沙蔽天晝晦者數日

天順七年二月丙寅雨黃霾四方蔽寒日晦無光八年二月壬子風霾晝晦旣而隱隱有雷聲

成化四年禮部言自春徂夏天氣寒慘風霾日無光五年閏二月己未雨黃霾己卯日色變白土霾大作六年二月丁丑開封府晝晦如夜黃霾蔽天三月辛巳京師雨霾晝晦寧夏大風揚沙黃霧四塞四月庚戌立夏雷未發聲陰霾四塞七年四月乙卯雨土霾九年三月癸未濟南諸府狂風晝晦起又莫辨十二年南京陰霾蔽日十四年二月辛酉雨土霾十七年

四月庚申帝諭羣臣曰連日狂風大作塵霾蔽空豈朕與諸臣脩省有未至耶其各舉厥職以輔朕不逮十八年二月戊辰京師雨土霾二十一年正月丁未京師陰霾蔽日自辰至午乃散三月戊子大名府大風霾自辰迄申紅黃滿空俄晦黑如夜已而大風雨沙至十六日乃止又京師自正月至三月風霾不雨弘治元年十二月四川陰霾自辛卯至癸巳日止二年正月甲申南京雨霾二月辛亥開封晝晦如夜黃塵障天三月京師黃塵四塞風霾蔽天者累日三年二月乙未南京雨霾四年八月乙卯南京晦冥五年

三月乙亥京師風霾蔽天十一月乙亥南京風霾六年正月癸未亦如之閏五月壬寅京師雨霾七年三月己亥廣寧等衛晝晦十年五月京師風霾十五年正月乙未雨霾十一月雲南晝晦十八年八月癸酉至九月甲午日色無光

正德二年正月乙亥朔日食既閏正月癸亥盧龍遷安二縣俱大風拔木毀民居霾曠如夜越日乃息癸酉大風霾三年二月辛卯風霾四塞四年四月癸亥天雨霾五年三月甲子大風霾天色晦冥如是者數日六月京師風霾六年四月甲辰日午黃塵四塞八

年正月戊戌大風霾至酉乃息十一年五月風霾十
四年三月京師風霾十六年十一月辛酉甘肅行都
司黑風晝晦翼日方散

嘉靖元年正月丁卯日色慘白頃之復變爲青無光
九月己巳大風揚塵晝晦三年二月風霾蔽天八年
正月戊戌朔風霾晦如夕九年三月京師大風晝晦
四月丙戌京師風霾二十六年七月乙丑甘州五衛
風霾晝晦尋變赤復黃二十八年三月丙申風霾四
塞日色慘白凡五日二十九年三月丙戌黃塵四塞
日無光三十年正月辛卯大風揚塵蔽天晝晦四十

年二月己酉亦如之四月癸巳大風雨黃土晝晦四
十三年三月望日異風作赤黃霾至二十一日止

隆慶二年正月元旦大風揚沙走石白晝晦冥自北
京達于江浙皆同

萬曆三年四月朔日食未刻晦諸星照耀至申刻漸
明九年正月庚午狂霾蔽天十一年正月辛酉閏二
月壬戌十二年四月庚戌京師並風霾十四年二月
甲午大風霾十七年正月乙丑蓋州衛風霾壞廨宇
廬舍十八年三月甲辰開封彰德衛輝歸德諸府同
日風霾二十五年二月癸亥平涼府風霾戊寅京師

風霾二十九年四月己卯閣臣奏連日風霾三十八年四月戊戌崇陽縣風霾晝晦至夜轉烈損官民屋木無算四十六年閏四月丁丑黃霾自東北俄而蔽天日色無光四十八年三月壬辰京師大風霾己亥同是年禮部奏八月以前雲南諸府時晝晦

天啓元年閏二月丙子風霾戊寅風霾乙酉復如前三月庚午風霾日無光四月甲戌風霾乙亥午時寧夏洪廣堡風霾大作墜灰片如瓜子紛紛不絕踰時而止日將沈作紅黃色外如炊烟圍罩畝許日光所射如火焰夜分而沒二年二月己丑風霾六年三月

庚申陰霾如雨

崇禎元年正月癸亥永年縣晝晦六年正月癸巳朔
大風霾七年三月戊子黃州晝晦十年四月壬申風
霾十一年二月壬子夜西安風霾十三年閏正月丙
申南京日色晦矇風霾大作細灰從空紛下五步外
不能見一物十七年正月庚寅朔大風霾三月丙申
風霾晝晦

花萼

永樂六年蘇州揚州二府奏檜花爲瑞福建栢亦生
花十五年十一月壬申金水河及太液池冰凝其樓

聞龍鳳花卉之狀奇巧特異

弘治十六年九月安陸府桃李華

正德元年九月宛平縣棗林莊李花盛開二年正月

永嘉縣自去冬至今春群花發六年八月霸州桃李

華

蟲孽

洪武三年七月河間府田間生斑毛蟲食蔴豆二十

八年七月確山縣野蠶成繭

永樂二年七月庚申臨清縣奏野蠶成繭禮部尚書

李至剛請表賀不許三年濟南等府好坊生命速捕

癸六年八月丁丑儀賓馬春賁進野蠶繭十一年六月庚午東鹿縣進野蠶綠繭

正統二年八月衡州府屬州縣并桂陽守禦所俱蟲傷禾苗八年四月皇陵有青黑毛蟲食松栢葉九年閏七月湖廣茶陵縣螟災十年直隸深州冀州南宮等縣野蠶成繭取以繅絲有至十餘斤者

景泰五年五月河間順德廣平真定大名等府州縣有蟲食桑春蠶不育六年大名縣野蠶成繭

天順四年長山臨朐寧海州福山縣五六月亢旱不雨螟蟲食苗

成化九年八月嚴州青蟲遍地

弘治三年七月永寧衛蟲災六年三月己卯瀋陽河
間等十六衛被蟲八月己巳臨晉縣雨蟲如雪七年
三月己亥廣寧等衛有黑殼蟲墮地大如蠅久之入
午土十年九月山東青濟二府虫災

正德五年陝西華州渭南等十一縣蟲傷稼八年彭
城衛蟲災

崇禎十年天雨蟲於黃州色黑大如菽蠕蠕動食苗

盡

牛既

正德十二年直隸徐州牛產犢一頭二舌兩尾八足
嘉靖五年七月丙申南陽縣牛生犢一首兩身是年
禮部奏有牛產犢一身二首腹内心肺膽各二六年
十一月壬辰漳浦縣有牛生三日三角十一年二月
三十日貴州銅仁府黃犛牛生犢頭額豐滿牙齒巉
巖渾身有紋即死十二年山東平山衛民家牛生犢
身有文前兩足及尾皆成鱗甲中皆毳毛

萬曆十三年光山縣民家有牛產犢火光滿地鱗甲
森然一夕斃或曰麟也二十四年正月瀘州有牽牛
者繩忽斷牛奔入市過張四兒家四兒直前縛之不

能制奔入肆中牛亦迫入四兒登樓牛亦登樓觸四
兒死三十七年五月乙未山東歷城高苑二縣牛各
產犢雙頭三眼兩鼻二口三十八年三月戊戌獲嘉
縣民家黑牛產一犢一身兩頭四眼四耳兩口兩足
一尾三十九年二月戊寅汲縣民家牛生犢一膊兩
頭兩嘴四眼兩耳七腿四月乙酉降彘部中牛生一
犢人頭羊耳又生一羊羔人面羊身四十五年八月
甲午開州民家產牛犢兩口三眼四十八年陝西盆
山堡產牛妖

天啓元年二月癸卯陝西會寧縣民家黑牛產犢遍

身鱗甲頭蹄各異十月丙戌會寧縣牛產異獸徧體
鱗甲有火光三年十月乙未湖廣沅陵縣民家特生
犢一身兩頭三尾七年三月乙亥山東莒州耕牛產
犢宛如麟

崇禎十三年襄陽春山鄉獲牛犢兩頭二目

黃背黃祥

洪武二十一年八月癸巳日上有黃氣

正統十一年二月辛酉異氣現于華蓋殿金頂及奉
天殿鴟吻之上

天順八年二月乙巳黃塵四塞

成化九年四月乙亥京師雨土十三年四月戊戌陝西甘肅水災高四五尺有青紅黃黑四色沙

弘治元年二月己亥黃塵四塞十年三月己酉雨土十一年四月辛巳雨土十七年二月甲辰鄖陽府及均州雨黃沙

嘉靖元年正月丁卯天雨黃沙十三年二月己未雨微土二十一年象山縣雨黃霧行人口耳昏塞

隆慶元年三月甲寅南鄭縣雨土癸亥黃霧四塞四月京師黃塵四塞

萬曆二十五年二月癸亥湖州雨黃沙三十年三月

甲申日始出赤黃照地四十六年三月庚午將昏之時天雨土濛濛如霧如霰氣襲人入夜不止四十七年二月甲戌從未至酉塵沙漲天其色赤黃四十八年山東省城及泰安肥城皆雨土

崇禎十二年二月壬申大名府濬縣有黑黃雲氣突起不移時分爲二頃刻四塞狂風大作黃埃漲天五步之外不辨人跡黃埃中又青白氣間之至戌時方定

地震

洪武三年九月甲辰程鄉縣地震有聲從西北來是

年六月十月福州地震者再四年正月己丑鞏昌臨
洮慶陽屬縣地震六月戊戌北平地震七月癸亥蒲
州地震九月辛未韻縣地震五年四月戊戌蒼梧賀
宜山恭城等縣地震七月壬戌夜京師風雨地震十
七日建康地震八月癸未至乙酉徐溝縣連震九月
乙丑廣州府地震聲如雷是年六月至十月陽曲凡
震者五六年五月至閏十一月陽曲震者三七年三
月安縣地震八年正月辛酉夜榮經名山蘆山地震
乙酉陽曲震四月乙巳歷城震七月戊辰京師地震
九年八月丁卯宛平火地地震十年正月癸巳西安

府地震五月壬寅陽曲地震九月乙酉成都地震十

二月陽曲再震十一年四月乙巳寧夏地震壞城垣

五月庚辰遼東地震有聲自東北至西南七月己卯

寧夏大雨地震九月戊寅成都華陽二縣地震壬辰

太原地震十二年正月辛卯永嘉縣地震四月丙寅

臨汾縣地震五月丁卯陽曲縣地震九月癸卯興化

府地震壬戌閩縣地震十月丙戌興化府又震十三

年八月丙子陽曲縣地震九月己酉夜河州地震十

一月戊申河州涼州俱震己酉莊浪地震十二月甲

戌福州廣州府各地震丁丑夜河州復震十四年三

月己亥閩縣莆田平陽同日震是年涼州陽曲各地
震者再十九年六月辛丑雲南地震十一月己卯復
震有聲二十一年八月癸巳地震二十三年正月庚
辰山東地震二十四年三月壬子西安府地震二十
五年二月丙寅昆明河陽二縣地震二十七年四月
壬申泉州地震五月辛丑八月戊辰又震十月丙申
福州地震二十八年九月乙未鶴慶及劍川州各地
震丁巳劍川又震二十九年十二月壬辰泉州府地
震

建文元年京師地震
詠言

永樂元年八月辛未潮州地震十一月甲午夜噴天
地震二年十一月癸丑夜京師濟南並震有聲甲寅
夜開封地震六年五月壬戌夜京師地震七年三月
辛酉太原地震十一年八月甲子京師地震十三年
九月壬戌十四年九月癸卯十八年五月丙午北京
並地震

洪熙元年南京地震凡四十有二有連日震者六安
衛震七日乃止

宣德元年七月癸巳京師地震有聲自西北迄東南
是歲南京地震者九二年正月癸丑南京地震戊午

又震聲如雷二月己未甲戌戊寅己卯乙酉戊子三月辛卯乙巳復如之三年南京地屢震四年兩京地震五年正月辛酉十一月己亥南京皆震

正統三年三月己亥夜地震者再庚子夜復震甲辰晝地震至暮四年六月乙未京師地震八月己亥又震五年十月庚午朔陝西蘭州莊浪地震十日乃止壞城堡官民廬舍壓死人畜八年四月洱海楚雄地震十年二月丁巳京師地震十一年六月丙辰夜地震有聲

景泰二年七月癸丑夜京師地震八月壬申南京地

震三年七月永新縣珠坑村地陷十七所五年十月
庚子地震有聲自西北迤東南六年二月甲午安福
縣雷雨大作境內白泉陂羊塘地陷二一深三丈廣
十餘丈一深可六尺廣一丈有奇五月己酉蘇州地
震十一月壬午復震

天順元年十月乙巳南京地震

成化元年二月襄陽地震四月甲申鈞州地震至二
十三日方止三年四月丁未宣府地震有聲給事中
毛弘等言四川地震凡三百七十五五月壬申宣府
大同地震有聲威遠朔州亦同日震墩臺墻垣壓傷

人四年三月壬申夜瓊州府地震未震之先有聲自西角遂大震既而復震良久方止八月癸巳京師地震有聲十二月戊戌湖廣地震五年正月丁亥河南湖廣地震十二月丙辰汝寧武昌漢陽岳州同日地震六年正月丁亥河南震五月壬午寧夏震丙午復震八月己巳高雷二府地震有聲是年湖廣等處亦震七年四月丙寅襄陽府一日再震次日復震九月丁丑鎮番衛地震聲如雷閏九月丁未涼州地震聲亦如之八年七月壬戌寧夏地震八月辛巳復震乙酉榆林地震聲如風濤九月丁未部臣言通者太原

地震岢嵐復震聲如雷歲象爲兵陝西山西壤地相
接宜嚴飭守臣防禦帝然之九年九月壬子光州地
震是歲五月七月太原震者再三月至六月寧夏震
者三十年正月癸巳福州地震有聲四月壬午鶴慶
地震九月己巳復震自寅至申凡震者十有五聲如
雷壞廨宇民舍傷人畜十一月甲寅靈州大沙井驛
地震先是十月丁酉地震有聲如雷自後晝夜屢震
至是一日凡十一震城堞房屋多傾圮者十一年六
月壬午蘭州地震有聲九月庚午嘉定州南溪犍爲
縣及威遠諸衛地震十二年正月辛亥南京地震四月

庚寅太原地震皆有聲九月辛酉遼陽城地震有聲
十月辛巳京師地震薊州等處亦震十三年正月己
巳鳳陽臨淮二縣晝晦震有聲閏二月癸卯臨洮鞏
昌地震城有頽者三月壬午河州地大震聲如雷丙
申丁酉連震四月戊戌甘肅地裂又震有聲寧夏震
聲如雷城垣崩壞者八十三處榆林涼州同日亦震
九月甲戌夜京師地震三次十二月辛亥茂州地震
是歲山東諸城定陶郟城滕費等縣並震沂州四月
至六月連震十四年七月丙子四川鹽井衛地震至
二十日復震廨宇傾覆人畜多死八月己巳太平府

地震自六月至是凡七震辛亥威州地震癸酉復震
皆有聲九月甲戌階州地震有聲十五年三月甲戌
廣州地震五月丙寅太原地震乙丑常州亦震六月
癸丑莒州地震有聲七月戊午寧夏地震八月丙戌
又震九月丙子無錫常熟二縣地震有聲十月辛亥
永平地震十六年二月丙辰泉州地震聲如雷屋宇
皆搖癸亥寧夏震亦如之三月癸卯太平府地震丁
未郾城臨城二縣地震皆有聲八月丁巳四川越巂
衛一日七震是日至十五日連震丙子鬱林州地震
有聲瓊山縣同日亦震九月辛丑威州地震者再十

一月乙巳會寧縣地震十七年正月丁丑開城縣地

震二月甲寅應天鳳陽廬州淮安揚州和州兗州河

南府州縣同時地震禮部奏春動者歲凶二月動者

水災宜濬河築堤以防水患四月丙辰同州地震五

月壬辰太原府地震有聲戊戌薊州及遵化縣地震

壬寅河州地震六月甲辰永平薊州及遵化縣遼東

寧遠衛同日地震者三十八年二月辛丑夜沂州地

震有聲五月辛巳岐山縣地震七月甲申太平府地

震有聲如雷九月戊申鞏昌府地震十一月甲申臨

洮府地震十二月乙亥瀘州及長寧等縣地震有聲

如雷十九年四月辛巳山東鄆城等縣地震五月甲辰洛容縣地震六月丁卯茂州地震七月庚子宣府一日凡六震是歲陝西西安鞏昌靜寧洮岷府州五及岷州衛皆震二十年正月庚寅京師地震永平府宣府遼東皆震有聲如雷宣府地裂湧沙出水天壽山密雲古北口居庸關城垣墩臺驛堡多摧裂人有壓死者五月戊子岷州地再震有聲如雷甲寅代州地一日七震俱有聲六月甲申太和縣地震八月癸酉陽江縣地震有聲者四九月己卯開城縣震辛酉費縣地陷深二尺縱橫三丈許十二月壬戌會寧縣

地震聲如雷是歲西安大同地震者再二十一年正月癸巳太平府地震有聲二月壬申泰安州地震癸酉平陽府地震聲如風三月壬午朔泰安州地再震聲如雷泰山動搖後四日復微震癸巳又震至乙未庚子連震時有以妖術危東宮者頗有端未露而欽天監言占應在東宮帝大驚事遂已閏四月壬午開城縣地震有聲癸巳順天薊州地震有聲十四日十
五日復震城垣民居有頽仆者五月壬寅萬全永寧衛隆慶衛龍門守禦所俱地震有聲夜京師再震七月丙寅電白縣地震有聲九月丙辰廉州梧州俱震

有聲連震至十六日方止十一月丙寅京師地震甲戌淄川縣震十二月戊子荆門州地震是歲山西曲沃榆次沁州陝西鞏昌固原蘭河洮岷邠五州並震岷州再震北直遵化縣震者四二十二年三月庚戌寧夏地震六月己卯福州興化俱地震壬申漢中及寧羗衛地裂或十餘丈或六七丈寶雞縣長三里濶丈餘七月丁卯雲南金齒衛一日再震己巳復震有聲如雷九月辛亥成都地一日五六震或七八震俱有聲次日復震甲寅岷州亦震聲如雷十月庚子平陽地震有聲十一月丁未直隸龍門所震亦如之丁

卯夜寧夏地震十二月丙子寧夏復震者三皆有聲
二十三年正月己酉太原地震有聲己未荊州地震
癸亥沂州地震聲如雷二月癸未洮州地震聲如雷
乙酉廣寧地震有聲三月庚申靈壁地震聲吼如風
四月丙戌衛輝地震有聲五月丁巳番禺新會等縣
地震九月甲寅宣府龍門衛地震萬全都司亦震有聲
十月丁卯順聖川地震有聲

弘治元年五月丙寅嘉瀘邛南溪內江洪雅等州縣
地震七月癸未密雲縣地震有聲八月壬寅漢茂二
州地震德陽石泉二縣亦震癸卯石泉復震甲辰山

丹衛地震有聲戊申宣府葛峪堡地陷深三尺長一
百五十步濶一丈溝下沙河內地湧噴高一尺長七
寸步九月壬申元城縣地震十二月辛卯四川地震
至癸巳乃止二年二月壬寅威州地震有聲如雷四
月甲午懷安衛及保定石衛震亦如之丁巳丹發縣
地震五月庚申至壬戌成都府地連震有聲七月乙
酉遵化寬河地震者四有聲如雷十一月癸酉威茂
二州同日地震有聲乙亥薊州地震十二月乙酉開
城縣及會寧縣地震有聲壬辰陽春縣地震甲午再
震丙申又震皆有聲三年春嘉定州茂州汶川縣越

雋衛並地震各有聲如雷六月甲申廉州府地震聲
如雷戊申岷州衛寧遠縣亦如之十月壬戌肇慶府
地震聲如雷丙寅平陽亦震十一月丁亥太原地震
有聲乙未威州地震聲如雷十二月己未京師地震
者再四年正月辛卯茂州地震有聲三月己丑靖魯
衛乾鹽池地震有聲四月丁未彰德地震有聲六月
辛亥京師地震者三辛未茂眉二州地震有聲搖動
廬舍七月壬寅開封地震有聲八月乙卯南京地震
屋宇皆搖淮揚二府同日震九月己亥直隸三屯及
灤陽等管同日地震有聲庚子秦州及寧遠伏羌禮

三縣地亦震聲如雷房屋震動十月丙午蓋州衛地震有聲如雷辛酉萬州地震亦如之十二月甲辰萬全都司及保安州同日地震五年四月丁巳偏頭關地震七月壬午禮縣地震有聲庚辰河州地震聲如雷丁亥渭南縣地震辛卯絳州地震乙未臨洮地震是歲寧夏蓋州地震六年正月丁卯遼東都司及復州海州金州三衛地震有聲二月乙丑嶧縣地震聲如雷三月乙亥臨洮府地震有聲四月甲辰開封衛輝東昌兗州及元城縣並地震有聲庚辰茂州地震聲如雷閏五月戊戌隆慶懷來二衛地震有聲乙

己禮縣地震聲如雷己酉邛州嘉定州及敘南衛地

震有聲八月辛未潮州府地震有聲丙子益州衛地

震聲如雷九月壬辰郟城縣地震有聲十一月戊子

合肥縣地震有聲十二月庚辰阜平縣地震聲如雷

是歲三月四月五月八月寧夏並震七年正月癸卯

寧夏又震有聲二月丁丑曲靖地震壞房屋死軍民

三月辛亥登州地震六月辛未茂州地震有聲十月

丁巳滁州地震有聲十一月壬子居庸關地震是歲

福建福州龍溪龍巖陝西西安高陵莊浪並震益州

震者三兩京震者六八年三月辛卯龍門衛地震有

聲甲午登州一日再震俱有聲如雷辛丑靖魯衛地
震壬寅廣武營地連震者六己酉嘉峪關地震有聲
四月庚辰渭南縣及葢州衛同日地震五月己丑灌
縣地震六月戊午汶川灌縣地震八月己未遵化城
地震壬戌肅州衛地震己卯安南衛連日地震是月
溧州凡四震九月戊子福州府地震甲午安南衛自
是日至辛丑凡震十有二丙午觀城鄆城壽張范縣
並地震有聲濮州地連震十月庚戌廣寧衛地震壬
戌兗州山陽贛榆並地震海州是日至甲子凡震者
九丙子宣府順聖川地震至戊寅連震十一月壬辰

安南衛地震連震有聲如雷己亥金州及洵陽縣亦如
之是歲南京建昌威州震者再懷來震者三寧夏震
者四又三月己亥寧夏復一日十二震聲如雷壞城
樓墩屋邊墻壓傷人九年正月癸巳蒲州地震二月
乙卯金州地震丁巳湖廣鄖陽府四川大寧縣同日
地震壬戌薊州及遵化地再震俱有聲如雷壬申夜
涑水地震癸酉宣府隆慶衛地震閏三月己酉贛縣
地震辛未永平衛地震四月庚辰甘肅地震五月乙
丑遼東東川堡地震九月丙寅隆慶衛地震癸酉萬
全都司地震十月丙子汶川縣及威州俱地震有聲

乙酉禮縣地震有聲如雷是歲兩京震者四寧夏蓋
州並再震十年正月戊午真定地震有聲辛未高州
地震有聲二月壬辰汝州地震辛丑威州地震六月
甲戌懷來衛地震乙亥海豐縣地震聲如雷數日乃
止乙未贛州府及上猶縣地震有聲十月甲戌永平
地震己卯復震是歲陝西之寧夏榆林靜寧隆德華
亭鎮番靈州山西之太原清源並震屯留尤甚如舟
將覆屋瓦皆落十一年六月丙子桂林府民地忽聲
若雷旋陷九處大者圓十七丈其餘七丈三丈不等
九月丙辰太原地震有聲八月丙寅保安衛地震有

聲十二月壬辰新野縣地震聲如雷是歲衛輝震者
再寧夏震者五十二年二月癸卯寧夏地震有聲壬
子建昌衛地震四月壬寅小河守禦所地震乙卯洮
州衛亦震六月辛卯寧番衛地震癸巳小河守禦所
地震有聲如雷壬子亦如之七月松潘東路地震者
三並有聲八月辛亥陸川縣地震丙辰又數震十一
月丙寅秦寧縣地震壬申昌黎縣地震十二月丙戌
襄陵縣地震己丑雲南府地震甲午秦州地震丁未
莊浪衛地震十三年八月庚戌安南衛地震連震者三
有聲如雷九月壬子朔廣東欽州二衛地震是歲兩

京及直隸之鳳陽壽州靈璧福建之興化漳州泉州
山西之太原滎河陝西之寧夏肅州河南之光州太
康並震北京寧夏再震十四年正月庚戌朔延安慶
陽二府同華等州咸陽長安等縣潼關等衛連日地
皆震有聲如雷朝邑縣尤甚是日至十七日頻震不
已城垣樓櫓民廬多摧覆壓死者甚衆縣東十七村
地圻水湧溢成河壬申葢州連日地震丁丑福興泉
漳四府俱地震八月丁卯高陵渭南等縣俱地震癸
酉貴州地震者三九月庚子欽州地震十月辛酉夜
南京地震壬戌松江及吳江崇明各地震十一月丙

申龍門衛地震是歲山東之長山新城河南之陳州
陝州光州盧氏太康山西之安邑榮河岳陽定襄宣
府大同並震平陽汶川威茂小河疊溪壽州永寧寧
夏俱連震有聲如雷文蒲州自正月庚戌至戊午每
日一再震乙未至丁亥凡震二十有九朝邑縣自六
月至十二月復七震十五年三月辛丑萬安縣地震
屋宇皆動六月己酉陝西行都司連日地震七月己
亥瀾滄衛北勝州亦如之九月癸酉懷來衛及隆慶
右衛並地震丙戌大名順德濟南東昌莒州及徐州
向日地震壞城垣民舍濮州尤甚壓死百餘人山東

守臣上言半月之間凡三震動搖泰山遠及千里地道不寧河南開封彰德山西平陽澤潞府州五亦震本月壬寅濠州及昌黎縣地震甲子應朔代三州山陰馬邑陽曲三縣亦震是年南京震者再朝邑華州兗震十六年正月丙戌宜良縣地震搖動有聲三月庚午禮縣地震亦如之丙戌寧夏地震四月乙丑宮州地震七月丁卯乾州地震九月壬申安陸地震丁丑福州興化地震十一月庚辰山西山陰縣地震十北年正月丙子威州汶川地震聲如雷辛巳鹽城地震三月癸未復震四月甲午連震六月丁丑青神縣

地震丙戌太原地震有聲七月己丑朔代二州地震
壬辰聞封鉤許洧川鄆陵長葛新鄭杞府州縣八俱
地震十一月癸丑霍州空中有聲如雷己而地震者
歷十八年正月戊申平魯衛及井坪守禦所各地震
五月己未朝邑縣地震有聲如雷六月辛酉莒州地
震癸亥固原州及環縣各地震壬申威州地震九月
癸巳抗嘉湖紹寧五府皆地震有聲甲午南京及蘇
松常鎮淮揚寧七府通和二州同日震辛丑蒲州解
州絳夏平陸榮河聞喜芮城猗氏俱地震聲如雷安
邑萬全特甚是歲寧夏及廣武營震者再

正德元年正月辛巳宣府地震有聲二月癸酉至乙
卯鄧陽縣地震十餘次有聲如雷三月丁亥大同府
地震雲南府連日再震有聲木密關地震如雷凡五
壞城垣屋舍壓傷人五月太原地震壬辰密雲地震
六月丙子懷仁縣地震有聲七月陝西黑水苑地震
乙酉懷仁縣復震十月己酉肅州地震戊午確山縣
地震甲子威州茂州地震乙丑成都府地震有聲壬
申茂州汶川地震甲戌永定上抗地震丙戌安遠縣
地震十二月太原地震是歲山東登州即墨鰲山大
嵩屢震萊州尤甚自九月至十二月凡四十五俱有

聲如雷二年正月庚辰朔州地震甲申永嘉地震有聲乙酉夜福州地震閏正月辛酉掖縣地震逾五日復震梧州府潯州衛亦震搖動軍民房屋三月庚戌萊州府地震戊辰陝西行都司地震四月丁酉寧夏衛地一日三震七月癸卯沂州震有聲庚戌平魯衛亦如之八月己卯廣西南寧太平地震有聲如雷九月戊辰萊州地震庚午安州新興州三日連震搖撼民居人有壓死者十月壬午洮州地震十一月甲辰寧夏衛地震十二月戊子太原地震三年正月己未平涼地震有聲二月丁酉固原鞏昌階州各地震四

月戊辰馬邑地震七月乙丑禮縣地震八月乙未河

南府地震十月寧夏地震有聲十一月乙未蔚州地

震聲如鼓甲辰衛輝府地震四年正月辛丑禮縣地

震二月己卯龍門衛地震三月庚子蓋州衛地震甲

寅廣寧大興堡地陷長四尺濶三尺深四丈有餘又

山東諸城日照直隸賴榆等縣衛各地震四月丁丑

柴溝堡地震丙戌鞏昌府岷州俱地震五月己亥乙

亥武昌府見碧光閃爍如電者六七次有聲如雷鼓

既而地震良久止十月戊申華陰縣地震十一月乙

酉保安衛地震聲如雷是歲固原震者再寧夏凡四

震五年三月丁巳雲陽縣地震有聲如雷辛酉邵陽
縣亦如之壬午廣西太平府地震四月丙申華州蒲
州同日地震五月丁卯韓城地震連震辛巳寧夏地震
七月威茂潼川皆地震有聲如雷六年四月乙未楚
雄府地一日三震明日復震又明日復震聲如雷庚
子廣西梧州廣東電白同日地震六月丁未寧夏地
震有聲七月庚午福州府地震乙亥陝西成縣禮縣
涇州衛四川綿州俱地震八月辛卯即墨地震甲午
彙甸軍民府地震聲如雷壬寅霸州地震連震丙午夏
津縣地震聲如雷九月癸酉山西山陰縣地震十月壬

辰泉州府地震甲辰大理府鄧川州劍川州洱海衛
各地震鶴慶劍州尤甚壞城垣房廡人有壓死者十
一月戊午京師地震直隸保定河間二府薊州良鄉
等八縣萬全等三衛又山東武定州同日皆震薊州
是日至庚申凡震者十九七年正月丁未朔山東濮
州河南彰德府地震有聲丙寅寧夏衛亦如之二月
丙戌華陰同官二縣各地震三月鄆州地震丁巳太
原府地震五月辛亥杭州府地震有聲壬子楚雄府
是日至甲子地連震壬戌解州地震壬申邛雅嘉定
三州及資縣地震是月戊午辛未太原並震六月鞏

昌地震七月戊戌復震八月己巳騰衝衛地震次日
復大震壞城樓宮民廨宇旣而裂地湧赤水田禾盡
沒死傷者甚衆九月雅州夾江縣各地震癸未南安
贛州二府地屢震庚寅隆慶衛等處亦如之十月丙
午溫縣地震丁巳順天府通州地震甲子廣寧等衛
震如雷十一月甲申懷來等衛地震十二月甲辰饒
平縣地震八年四月乙巳文登萊陽地震乙亥東平
州東阿縣地震戊寅順天霸州山東登州府各地震
有聲八月丙申宣化地震庚戌會州衛地震聲如雷
十一月辛巳山西大同府萬全都司及南直隸貴池

縣各地震十二月戊戌越嵩衛地震辛丑高州地震
癸卯交城地震是歲福州寧夏懷來各震者再九年
二月寧夏衛地震癸巳成都府地震六月甲辰鳳陽
地震七月壬戌山西偏頭守禦所地震八月乙巳京
師大震渭源縣同日震十月壬辰山西太原大同諸
府並地震乙卯文川縣地震十一月辛酉楚雄府地
震癸亥宣府懷來衛地震甲戌新都金堂雙流三縣
各地震庚辰涼州等三衛皆地震十二月乙巳洮州
衛地震辛亥解州及臨晉等五縣地震有聲是歲高
陵莒州威州連震敘州震者四十年正月乙丑霍州

及汾西等三縣地震癸卯固原州隆德縣俱地震有聲如雷三月庚辰寧夏衛復震五月雲南趙州永寧衛地震踰月不止有一日至二三十震者黑雲如霧地裂冰湧壞城垣官廨民居不可勝計死者數千人傷倍之六月庚午清源交城二縣地震辛未太原府地震七月癸巳白河縣地震丙午廣寧衛地震八月辛巳平魯衛地震九月壬辰解州地震十月癸酉沂州地震乙亥莒州地震十一月癸亥會寧縣地震有聲異歲寧夏連震堯雄大理震者三大理八月尤甚至四日乃止十一年二月乙卯馬邑地震七月壬寅

西安府地震戊申雲南府地震八月戊辰南京地震
湖廣武昌府震亦如之九月丁酉貴州地震十月丙
辰曲靖地震己未太原地震十一月癸未廣州地震
有聲辛卯肅州衛地震十二月己未楚雄地震壬戌
懷來衛地震是年大理蒙化景東俱數震十二年三
月癸卯郴州地震聲如雷四月甲子江西撫州及餘
干豐城二縣俱地震六月戊辰新興州及通海河西
嶧峨等縣地震壞城樓房屋民有壓死者七月己卯
陝西南南縣湖廣鄖陽縣俱地震八月戊申萊州府
地震九月己卯青州濟南萊州登州等府俱地震庚

辰蒙化府地震十月丙辰浙江温州府雲南楚雄府
俱地震己未沁州地震乙丑雅州地震丙寅寧夏衛
地震十一月丁酉固原州地震如雷戊戌大理府地
震己亥尋甸軍民等府及嵩明州陽林堡千戶所各
地震閏十二月庚辰安邑縣地震丙戌廣西太平府
地震是年泉州二月至六月金華二月至七月皆數
震十三年正月戊午青州府及蒙陰縣地震丁卯嘉
定州地震二月癸酉瀋陽等衛地震己亥敏州府地
震六月己巳朔趙州鄧州浪穹縣同時地震七月
庚申廣武營地震八月癸巳陝西行都司地震甲午

福州府地震十一月戊申海州衛地震是年遼東蒙
化震者二寧夏震者三十四年正月壬寅嘉定常熟
二縣地震聲如雷二月戊寅永昌莊浪俱地震三月
太原府地震四月丁亥順天豐潤縣及永平府俱地
震七月癸卯贛榆縣地震有聲丙午蓋州衛地震聲
如雷九月丙午順天昌平州宣府開平衛俱地震丙
辰福興泉三府地震十月甲戌雅州地震十二月戊
辰大同山陰縣地震壬午湖廣武昌四川遵化俱地
震是歲寧夏甘肅鎮番地屢震十五年二月己丑秦
州地震三月丙申安寧姚安賓州蒙化鶴慶等處俱

地震蒙化震二日什城垣廬舍民有壓死者六月己巳綿威二州保中江二縣地震辛未程鄉縣地震聲如雷戊寅山西蒲州陝西華州及華陰縣各地震華州次日又震癸未廣西梧州府廣東封川縣各地震有聲丙戌益州衛一日三震八月庚申泉州地震辛酉景東衛地震聲如雷搖什城垣廡宇地多折裂乙丑山東濟南東昌河南開封等府各州縣俱地震十月庚寅雲南府地震十二月壬辰彰德府地震是年福州三震太原大理震者再十六年八月甲申安邑縣地震庚寅固原州地震九月壬子廣西太平府地

震有聲壬申永寧衛地震

嘉靖元年四月辛巳寧州地震八月甲午太原府地震十月甲申永平等府地震有聲次日又連震二年正月應天鳳陽山東河南陝西地震三月戊申雲南府地震辛亥曲靖府地震五月庚午朔威州茂州地震辛未同州地震甲戌蒲州地震有聲六月己未夜即墨縣地震七月壬申浙江定海等衛奏地大震城堞盡毀九月甲戌隰州地震辛巳遵化縣地震是歲寧夏震者再三年正月丙寅開州濬縣東明縣陝西西安河南開封許州皆震丙子曹州地震二月丙申

朔山西井坪堡地震辛亥蘇常鎮三府地震丁巳太原府地震有聲四月丙申房山縣地震是年南京震者再四年正月辛巳許州及長葛縣皆地震屋瓦擊動五月己未朔遼陽地震是月登州地震者再八月壬寅永昌軍民府騰衝衛壽州潁州懷遠縣及懷慶開封府俱地震有聲如雷九月壬戌蓋州衛地震壬申鳳陽徐州及長垣祥符陳留縣並地震丙子蓋州衛寧遠衛皆地震十一月乙亥平陽府地震有聲十二月壬辰萊州府地震癸丑遼東亦震五年三月丁未清水禮二縣地震己酉階州地震四月丙辰復連

震癸亥永昌軍民府騰衝軍民指揮使司及騰越州
同日地震貴州安南衛亦震聲如雷壞城垣壬申安
南衛復震癸酉金州衛地震五月癸未朔建昌衛地
震有聲己丑荊門州地震六年十月戊辰夜京師地
震十一年正月十八日青州府地震聲如雷十九日
雲南尋甸軍民府六涼衛地震二月乙酉蒲州地震
丙申平陽府震戊申太原府亦震三月癸丑武昌府
地震癸亥紫荆關地震四月十五日雲南府地震五
月癸亥西安府地震有聲如雷六月二十五日隆德
縣地震九月十七日福州府地震二十一日寧夏衛

地震十二年正月甲寅萬全都司懷來等衛地震辛酉青州府地震聲如風吼是月隆慶右衛威州亦震六月丙申隆德縣地震有聲八月乙酉寧夏衛地震丁酉夜京師地震十三年二月甲子臨安府地震有聲五月丁亥同州及華陰朝邑諸縣並地震聲如雷是年寧夏地三震十四年正月乙酉陽江縣地震有聲如雷三月癸未遼東鎮靜堡地震聲如雷十五年七月丙子梧州府地震十月庚寅夜京師及順天永平保定諸府州縣萬全都司各衛所地震十二月丙申交城縣地震有聲閏十二月庚申威茂二州地

震十七年正月辛丑潮州府大浦等縣地震聲如雷

二月丙午成都府地震三月戊寅蘇州府地震四月

戊辰太原府地震皆有聲五月癸巳東鹿縣地震五

日丙申永昌軍民府地震九月丙午蒲州地震十八

年四月己酉聞喜等縣五並地震有聲越二日復震

七月庚寅楚雄臨安廣西三府地震十九年正月庚

申平陽府地震四月庚午洮州甘肅俱震五月庚子

固原等衛地震九月乙巳固原復震十月庚辰太原

府地震二十年三月癸卯福州府地震四月辛巳洮

州衛地震有聲六月壬戌陝西行都司地震有聲甲

子肅州衛地震七月丁亥華州同州地震聲如雷十月乙丑寧夏衛地震二十一年五月乙酉太原府地震有聲辛酉濟南府地再震聲如雷丁卯固原州隆德縣同日地震七月戊辰靖魯衛地震聲如雷九月甲戌平陽府及固原州寧夏洮州二衛地皆震有聲十月壬寅建昌衛地震丙午威州地震十一月丁巳鞏昌府固原州地震有聲如雷西安鳳翔二府同日震二十二年二月壬午交城縣地震三月乙巳太原等處地震有聲凡十日四月庚辰福興泉漳四府地震五月己酉隆德縣地震七月甲辰寧夏地震九月

丁巳固原州地震十一月癸丑同州地震二十三年
三月朔太原地震有聲者十日七月壬子平陽府地
震九月辛丑萬全都司地震乙巳寧夏亦震二十四
年正月丁未靈丘縣地震癸丑蒙自縣地震有聲三
月丙子秦州地震五月戊子成都府地震八月癸丑
廣寧衛地震戊午龍門衛地震是年遼東海寧衛地
震聲如雷二十五年五月丁巳洮州地震八月巳亥
平魯衛地震九月庚午鞏昌府地震十一月癸未寧
夏衛地震二十六年二月巳丑階州地震二十七年
正月甲辰鄜州洛川縣等處地震六月辛酉泰安州

地震七月武寅順天保定二府地震八月癸丑登州
府廣寧衛同日地震九月辛卯肅州地震是歲京師
震者三寧夏震者再三十八年二月戊申朔州地震
五月丙戌鳳陽淮安地震七月壬申淮安等衛亦震
辛巳平魯衛地震有聲三十九年正月癸未蓋州等
衛地震聲如雷二日乃止三月壬申寧夏衛地震有
聲三十年六月癸亥兗州府地震有聲秋京師及海
州衛地震皆有聲十月癸未高州府地震聲如雷卅
二月丁未福州府地震三十二年二月癸亥鳳陽府
地震有聲三月乙酉福州府地震丙戌山西地震有

聲四月甲子秦州地震有聲庚辰臨安府石屏州元
江軍民府皆震六月辛酉電白縣地震七月辛卯萬
全都司地震有聲九月庚辰馬邑縣地震十月癸丑
寧夏地震有聲己未遼東汎河城遼陽城地震有聲十
六月乙卯化州地震大桂山有聲如雷三十二年閏
三月辛未寧夏衛地震壬申羅源縣地震聲如雷四
月己卯忻州定襄縣崞縣皆震有聲如雷癸未寧夏
亦震八月戊寅太原府地震有聲丙戌即墨縣地震
聲如雷九月甲寅西寧衛地震聲如鼓丁巳莆田縣
地震聲如雷十月甲戌忻州及定襄縣地復震丁丑

榆次交城二縣亦如之三十三年正月丙午固城地震四月乙未太原大同二府地震五月丙寅益都縣地震六月己卯楚雄府安寧州同日地震有聲冬濮州福州府並震是歲陝西鞏昌寧夏及蘭甘秦階四州禮縣皆震蘭州再震三十四年二月丙子階州又震三月辛丑高州地震壬寅沂州震癸亥固城亦震十二月壬寅山西陝西河南同時地震聲如雷雞犬鳴吠渭南華州朝邑三原及蒲州尤甚或地裂泉湧中有魚物或城郭房屋陷入地中或平地突成山阜或一日數震或累日震不止河渭泛華嶽終南山鳴

河清亦數日官吏軍民壓死八十三萬有奇三十五年二月丁酉滕縣地震有聲如雷己亥潼關衛地震四月壬辰甘肅地震有聲甲戌冀州高邑諸縣及廣平等處地一日三震聲如雷辛巳莘縣地震九月丙辰朔海州地震有聲如雷庚申秦安縣秦州各地震丁卯登州府地震十一月丁巳山丹衛地一日三震聲如雷關城多壞十二月丁亥鎮江府地震是歲寧夏凡四震三十六年正月辛巳鄖陽府地震二月壬辰青嵐州等處地震有聲八月甲辰福山縣地震十月甘肅鄯縣地震十二月丁酉涼州等衛地震有聲是

月宛州亦震三十七年正月庚申陝西地震三月甲寅南陽縣地震丁丑昌平州地震五月乙丑西安府地震有聲丁卯蒲州地連震三日聲如雷六月甲申蒲州又震七月南陽府地震是歲華州潮州府凡三震華州尤甚三十八年七月辛巳南京地震有聲十月辛丑沂州地震十一月丙申四川小河守禦所地震有聲如雷三十九年二月己未竹谿縣地震有聲三月癸未香山新會二縣同日地震四月嘉興湖州地震屋廬搖動如帆河水衝擊魚皆躍起七月甲申吳川縣地震有聲九月壬辰萊州府地震聲如雷是

歲寧夏震者三十四年正月戊辰平魯陽和二衛地震二月戊戌甘肅山丹衛地震有聲壞城堡廬舍閏五月庚寅朔萊州地震丁巳歸德地震六月壬午太原大同及榆林等處地皆震寧夏固原尤甚城垣墩臺房屋皆摧地裂湧出黑黃沙水壓死軍民無算壞廣武紅寺等城四十一年正月甲申京師地震三月戊子成都地震四月丙子順義縣地震有聲七月庚戌蘄鎮喜峰口地震十一月丁酉福州府地震是年寧夏地震圮邊牆四十二年四月乙亥新會地震四十二年正月辛巳雅州等處地震甲午復震庚子潮

州府地震有聲如雷四十四年三月戊戌都勻烏撒
二衛地震四十五年正月癸巳朔福興泉三府地震
五月丁丑滁州地震聲如雷七月戊午都勻府地震
八月乙丑寧夏地震甲戌復震有聲十月辛未陝西
行都司及山丹衛地震閏十月癸巳寧夏衛地震
隆慶元年四月甲寅平魯衛地震七月宣大地震二
年正月丙辰太原府及榆林衛地震有聲三月甲寅
陝西之慶陽西安漢中寧夏山西之蒲州安邑湖廣
之鄖陽河南之裕州等十五州縣同日地震甲戌薊
州遵化縣地震有聲戊寅京師地震是日山東登州

府直隸樂亭四川順義等縣及遼東寧遠衛同日震
樂亭地裂二所各長三丈餘黑水湧出寧遠城崩四
月京師地震癸未懷慶南陽汝寧及陝西寧夏衛同
日地震乙酉鳳翔平涼西安慶陽府地震千里壞城
傷人戊戌蒲州榮河河津等處地震六月己丑以陝
西地震命巡撫都御史張祉祭告西嶽華山西鎮吳
山之神乙未寧夏衛地震七月辛酉陵川縣地裂長
三十餘步三年正月乙巳延綏榆林衛山西井坪守
禦所地震六月乙酉蘆鎮三屯營地震閏六月己未
登州府地震有聲九月己卯揚州府地震十一月丁

武寧雲道化縣地震聲如雷庚辰京師地震癸未山西山陰縣地震癸巳山屯營地震有聲四年四月戊戌京師地震五月丁丑太原府地震十月戊戌廣寧城地震十一月庚寅秦安縣地震有聲如雷五年正月己卯觀城朝城二縣地震二月丙午廣西省城地震數處六月辛卯朔京師地震者三詔百官青末角帶修省三日七月辛酉西安府地震八月庚戌通海衛地震聲如雷是日曲江至臨安地亦震九月丁丑秦原地震十月甲寅西安地震者再十一月己未雲縣地震五年廣西王府及宗室所居與布政司官

署各地陷六年三月庚寅河東運司地震

萬曆元年八月戊申荊州府地震至丙寅方止二年

二月乙卯永城縣地震有聲癸亥夜長汀縣地震頃

之裂成坑陷沒民居是歲欽州震者再三年正月辛

丑揚州鎮江二府地震辛亥密雲縣地震二月甲戌

湖廣江西北地震丙申義州衛地震五月戊戌鄖陽襄

陽及南陽府屬各地震凡三日己亥信陽等處地震

戊子福州汀州漳州等處及海陽縣皆震九月甲辰

蘄州三屯營地震聲如雷戊午京師地震十月丁卯

京師又震命百官脩省三日己卯岷州衛地震己丑

復震至壬午凡百餘震是日洮州亦震四年二月庚辰蘄遠地震辛巳又震五月丁未祁縣地震八月戊寅渾源州地震應州同震九月丙辰安邑及夏縣地震屋宇動搖五年正月戊午定遠縣地震聲如雷屋瓦皆裂二月辛巳騰越州地二十餘震次日復震山崩水湧壞廟廡倉舍民居十之七壓死甚衆三月庚子激江臨安等府地震七月甲寅福州興化二府地震八月辛巳大同府地震壬午陽和城渾源州龍門衛等處同日震六年二月癸未榆林鎮靜堡靖遠營地皆震辛卯臨桂縣江頭村田中忽青烟直上隨裂

丈餘地內鼓聲轟轟民居及大樹大石皆陷入地三月壬子朔榆林衛地震八年五月壬午遵化縣地震震至戊子乃止六月丙午太原地震七月甲午井坪路地大震摧城垣數百丈九年正月庚辰遼東鎮靜堡地震如雷二月乙卯薊鎮三屯營喜峰口各地震四月己酉蔚州地震聲如雷房屋震裂大同鎮堡各州縣同時地震有聲十月壬寅河南商丘縣地震十年保寧地震者再十一年正月己卯朔松江府地震丁卯嘉興湖州並震二月戊子承天府地震三月己酉潭源州地震四月庚申鞏昌秦州同日震五月甲

辰三屯營喜峰口地震十二年三月辛巳鞏昌府地
震七月乙未西安府地震是歲京師震者再十二年
二月丁未淮安揚州廬州及上元江寧江浦六合縣
俱震江濤沸騰三月戊寅山西山陰縣地震旬有五
日乃止七月丙戌西安府及高陵縣地震勢如風聲
若雷八月己酉京師地震九月乙未鎮江府地震十
四年四月癸酉地震有聲十五年三月壬辰開封府
屬地震者三彰德衛輝懷慶同日亦震九月甲午永
昌衛及涼州地震是歲代蒲解且州陽曲徐溝交城
三縣及振武衛鴈門所並震十六年六月庚申夜京

師地再震自東北迄西南十七年正月壬戌寧夏地震六月辛丑廬州鎮江等處地震七月己未興化及杭州溫州紹興皆地震八月己卯嘉興秀水海鹽諸縣皆震十二月戊寅茂州地震是歲西寧福州宣府蓋州三屯營皆數震十八年二月丁酉順德府地震三月庚戌固原州地震六月丙子甘肅臨洮等處地震壞城郭廬舍壓死人畜無算八月福建地屢震十九年二月丙申興化府地震三月乙巳夜柳州地震閏三月己巳昌平州地震乙亥慶遠府地震五月戊辰漳州府地震甲戌又震六月戊戌五臺交城等縣

並震七月乙丑廣西南寧地震丙寅甘肅亦震九月
戊寅鳳陽府地震己丑平陽府亦震十月戊戌山丹
衛地震壞城垣十一月癸亥朔解絳二州地震二十
六年二月丙戌朔樂昌地震有聲八月壬午朔霍州
及洪洞俱震有聲九月壬戌茂州地震是歲宣府柴
溝堡及寧夏各地震二十二年正月甲申寧鄉縣地
震乙酉河津稷山皆震二月庚戌朔昌樂地震壬子
通許鄆陵臨穎睢州皆震丙辰陽曲平定定襄地亦
震丙寅雷州地震丙子瓊山文昌亦震三月壬寅肅
州地震乙巳榆林地震四月辛巳寧夏地震五月戊

寅柴溝懷安二堡同時地震李信屯堡亦震六月丙
辰肅州地震八月丙午朔霍州地震九月瓊山文昌
及西寧遼海衛三萬衛各地震十一月蘇州地震二
十二年五月初五日松江地震九月癸巳臨洮地震
本月二十九日太原地震十一月初八日嘉興秀水
地震十二月二十六日陝西地震聲若雷是歲固原
震者再二十四年十一月福建地震十二月茂州地
震石泉城地震者再二十五年正月壬辰朔四川地
震至甲午迺止二月癸亥嘉興府地震四月辛酉朔
西寧地震五月辛丑茂州地震有聲同日保縣亦震

八月己卯莊浪衛地震遼陽廣寧等衛地震地裂湧
水三日乃止山東濰縣樂安昌邑即墨皆震是歲京
師及薊鎮震者再甘肅震者三二十六年正月元旦
寧夏地震次日長樂縣陷地五丈八月丁丑京師地
震有聲二十七年正月辛卯固城地震二月丁巳常
熱縣地震庚申清陽堡地震三月壬午兗州地震乙
未平壩衛地震四月永平府屬及廣寧蓋州皆地震
閏四月辛丑山海瀛州盧龍等縣地震七月辛未承
天瀋陽岳州並震是歲遼東三萬遼海鐵嶺諸衛數
震二十八年二月戊寅京師地動自艮方至西南行

如是者再五月山東有磁甕七飛出城者五里二十

九年二月戊寅京師地震六月甲申貴陽府定番州

地震自酉至戌有聲如雷三十年五月甲申未刻四

州壩底地震大鳴如雷申刻復震六月辛卯朔夜復

有聲如薄雷房屋俱動戊申興化泉州二府地震辛

亥又震三十一年四月己酉宣府鎮城及下中北三

路地一時大震有聲如雷房屋動搖四月丙午鍾祥

縣地震自東南至西北房屋震裂五月戊寅京師地

震十二月鞏昌地震有聲三十二年正月甲午大同

應州地震三月漳泉二府地震有聲八月辛巳秦州

地震聲如鳴鼓閏九月庚辰鞏昌及醴泉地震聲如雷一日十餘震城郭民居並摧白陽吳泉界地裂三丈溢出黑水搏擊丈餘三十三年四月丙寅武昌地連震聲如雷五月辛丑陸川地震聲若崩山壞城垣房屋壓死男婦無算六月庚午靈川縣社壇忽有聲陷地十餘丈深丈餘七月甲申大同陽城地震有聲如雷移時方止庚子登州地震有聲九月丙申京師地震自東北向西南行日再震三十四年六月丙辰陝西地震十一月壬辰宣府蔚州衛地震有聲三十三年七月乙卯松潘茂州汶川地震數日八月甲戌

西安地震十月和州地震長安咸寧二縣亦震三十
六年正月丙申四川地震聲如雷二月戊辰昌平州
地震七月甲寅北直府州縣同日地震是歲京師地
震者再三十七年五月辛丑金州地震六月壬子豐
潤縣地陷一穴有聲辛酉甘肅地震紅崖清水等堡
軍民壓死者八百四十一人邊墩傾圮凡八百七十
里裂東關地三十八年三月乙未石泉縣地震四月
丁亥陽曲太原清源交城俱地震三十九年二月己
卯寶慶地震四十年正月癸丑懷來延慶二衛地震
六月乙亥雲南大理武定曲靖地大震有聲次日又

震緬甸亦震四月戌寅臨安地震五月戌戌雲南大理曲靖地大震不止壞屋六月戌辰宣府四海冶地震有聲十一月庚戌臨汾地震四十年六月丙午寧夏地震十一月己卯定襄地震四十二年九月丁卯武昌地震庚午山西河南皆震四十三年正月戊辰羣昌地震二月己卯揚州地震狼山寺殿宇壞塔亦傾癸未秦州地震三月壬子天津地震六月辛巳景東地震越三日又震八月乙亥朔楚雄地震如雷六月辛酉亦民驚嶺九月辛卯遼東地震聲如雷十一月辛酉京師地震密雲縣潮河川同時地震有聲四十四年

七月己卯渾源州地震八月戊辰延慶地震四十五年五月甲戌鳳陽地震八月濟南地裂者二四十六年六月丙子紅崖堡地震者二壬午京師地震九月乙卯北直山西州縣二十有七及紫荆關馬水口沿河四偏頭神池同日皆震京師又震四十八年雲南及廣東肇慶惠州湖廣荆襄承天沔陽京山並地震泰昌元年十月己未淮安地震

天啓元年二月庚申廣元地震庚午岷山地震閏二月丙戌平武地震四月癸丑延綏孤山城陷三十五歲入建二丈七尺辛巳懷延二衛地震戊子開平龍

閏二衛地震九月己未薊州遵化密雲地震十月丁
丑蓬萊黃福山樓霞招遠萊陽文登寧海八縣各地
震二年正月己酉平陽地震二月癸酉濟南東昌河
南汝寧四府皆地震三月歷城長清濟陰臨邑樂陵東
阿荏平肥城等州縣自七日至九日連震壞民居無
數至戊河南省城地震五月戊申臨汾襄陵曲沃太
平鄉寧絳州同日地震戊午太原府地震有聲七月
戊戌萊州府地震九月甲寅平涼隆德等縣鎮戎平
魯等所馬剛雙峯等堡地震如隸壞城垣七千九百
餘丈屋宇萬一千八百餘區壓死男婦萬二千餘口

十一月丁酉登萊地震癸卯陝西地震三年二月山東蓬萊縣地震三月癸卯松江府地震丙午登萊地震八月丁丑四川鎮平堡地震九月乙未松潘南路地震閏十月乙卯雲南地震十二月丁未應天蘇松鳳淮揚淞泗等處地震揚州尤甚是歲京師地震者五六年五月戊申薊門地震密雲縣地震辛亥遂大震六月濟南東昌二府河南一州六縣同日震天津三衛宣大俱數十震死傷慘甚是日山西靈丘縣亦震晝夜數動一月不止城郭廬舍並推壓死居民徂轍商賈不可數計七月辛未朔河南地震乙亥順

天府屬地震辛巳寧夏衛地震巳丑靈丘地震九月
申戌福建地震十二月戌申鶴慶府鎮姚所石屏雲
龍二州地震戊辰寧夏石空寺堡地大震震倒礮山
右殿壓死僧人是年兩京地俱震七年寧夏各衛營
屯堡自正月己巳至二月己亥凡百餘震大震如雷
舉如鼓如風城垣房舍邊牆墩臺悉摧六月十九日
茂州等處地震十月癸丑夜南京地震始西北迄東
南而止隆隆有聲

崇禎元年正月乙亥石泉縣地震明日復震三月戊
辰丙子皆震九月丁卯京師地震戊辰河間府及任

青縣靜海南皮興濟故城肅寧并天津三衛皆地

震之亥新平堡地震壓傷人衆丙戌西陽河堡地震

二日不止三年八月辛未鎮江府地鎮有聲九月戊

戌應天府地震四年六月乙丑臨鞏二府地震壞廬

舍損民畜九月壬辰鄆陽地震十月戊戌盧龍地震

五年四月丁酉應天府地震四川亦同日震七月丙

辰昌平遵化通霸文安良鄉固安州縣七同時地震

十月丁卯山西地震丁亥永平地震己丑寧夏靈州

地震十一月甲寅雲南地震六年正月丁巳鎮江地

震數丈三月己亥鳳陽地震辛酉山西地震七月戊

歲陝西地震十一月乙巳馬瑚府地震庚戌兆州衛

地震七年三月己丑黃州地震有聲如雷戊戌蘇州

地震四月己卯雅州地震七月辛卯陽曲地震九月

亦己丹徒地震十一月戊辰西安鳳翔地震八年四

月癸卯昌平州地震九月丙寅宣府地震冬昌平及

山西皆震九年三月戊辰福建地震四月甲午濠州

地震五月甲辰復震戊午又連震壬戌建昌地震七

月丁未清江縣城陷廣東連平地震丙辰忻州代州

地震十年二月己丑福建地震閏四月乙卯岳陽地

震七月壬午雲南地震八月丁巳鞏昌地震九月癸

昌平地震十月庚戌復震乙卯四川地震十二月
陝西西安及海刺同時地震數月不止十一年二月
戊申臨鞏地震辛未陝西地震己丑薊遼地震四月
震五地震自天啓六年至是年常微震九月壬戌遼
東地震是歲大同震者三十二年正月壬午洛陽地
震甲申永平地震二月癸巳順天地震庚子山東盧
龍等處地震六月甲辰榆林地震七月庚午復震十
三年五月甲申密雲地震庚寅順義地震七月乙巳
大同地震八月戊午渾源州地震十月壬戌濟南地
震十一月戊子南京地震庚子延綏地震是歲鳳陽

震者再十四年正月辛卯襄陽地震三月戊寅福建
地震壬辰衡州地震四月丁未天津地震丙寅湖廣
及鞏昌皆震五月戊子甘肅地震六月丙午福建地
震九月甲午四川地震十五年四月辛亥遵化縣三
次地震五月丙戌兩廣地震七月甲申山西地震乙
酉萊州地震自西北迄東南有聲如雷九月初九日
陽曲地震十六年十一月丙申山東地震戊戌鳳陽
地震十七年正月庚寅朔鳳陽地震甲辰保定地震
三月辛卯廣東地震

山圯

洪武四年六月庚午蘭山崩六年正月壬戌夜伏羗
縣高山崩

永樂十二年北征班師詔至婺川縣聞大宕山中連
時萬歲者三

正統八年十一月浙江紹興山移于平田是年陝西
丹崖山崩十三年陝西夏秋淫雨通渭平涼華亭三
縣山傾軍民壓死者八十餘口

天順四年十月星子縣山崖崩裂

成化八年七月龍州北山吼三日裂成溝長半里尋
復合十六年四月二日雲南麗江府巨津州金沙江

北岬白石雪山忽斷裂里許下塞江流兩岬山相倚
谷山上草木皆不動江水三日不流兩岬禾黍盡沒
久之其下漸開水始泄崇禎六年六月長樂縣平地起
小阜人畜踐之輒陷明年復湧起一高山與武后時
同事十七年十二月辛丑山西壽陽縣城南山崩聲
如牛吼

弘治三年六月乙巳臨洮府河州山崩地陷九年六
月庚寅山陰蕭山二縣同日大雨山崩十五年八月
淺車宣府合河口石山崩十七年六月甲申江西廬
山鳴如雷十八年六月丙子臨洮府河州沙子溝夜

大雨雷震右崕山崩約移七八里崩處裂爲溝男婦
及田廬牲畜俱陷

正德元年十二月癸亥即墨縣三表山石崩四年三
月甲寅遼東東山大家裕山崩二處約丈餘五年六
月乙未陝西秦川山崩傷室廬禾稼甚衆龍王溝口
山亦崩六年七月丙寅夔州府犛子溪驟雨山崩十
三年五月癸亥雲南黑鹽井地震山崩井塞十五年
八月丁丑雲南趙州大雨山崩

嘉靖四年七月乙酉清源縣賈家山崩五年四月壬
申貴州及蘇屯等山崩十九年十二月己巳峩眉縣

宋皇觀山鳴震裂泉水湧出八日乃止二十一年六月乙酉歸州沙子嶺天雷雨雹石崩裂塞江流二里許二十六年七月癸酉澄城縣麻波山界頭嶺晝夜吼如風數日山忽中斷移走東西三里南北五里二十九年二月甲子隆慶州張山營堡山鳴四十二年北京觀象臺崩陷臺土移于城外

隆慶二年五月庚寅永寧州山崩是歲樂亭縣地裂五處各湧黑沙水四年八月湖州府山崩成湖萬曆十二年十二月己未徐州蕭縣山鳴聲如風吼又如驚濤澎湃竟夜不止二十七年八月甲午陝西

狄道縣城東山崩其下衝成一溝山南耕地忽湧出
大小山五座約高二十餘丈三十七年六月辛酉甘
肅南山崩

夫啓壬午年閏十月乙卯四川仁壽縣長山忽聲震如
雷俄而裂長七里寬三尺深不可測

崇禎七年七月肅縣北山鳴後二年常鳴九年十二
月鎮江金雞嶺土山崩聞有神言十二年十二月十
三夜西山鳴如雷如風濤日夜不止十六年冬建極
殿鷓鴣吻中有聲似鶉鳩曰苦苦其聲漸大復作犬吠
聲三日夜不止十七年三月南京孝陵夜哭又秦州

有二山相距遠民居其間者數百萬家一日地震兩山合並入其中

雨雹

洪武十九年九月丙子天雨絮

宣德元年七月甲午京師地生毛長尺餘

正統八年浙江地生白毛

成化十三年四月陝西甘肅地裂生白毛十五年五

月常州府地生白毛十七年四月南京長白毛

弘治元年五月丙寅瀘州長寧縣雨雹

正德十二年四月金華府地生黑白毛長尺餘

幾壽鹿亦生二子廷臣表賀帝以奇祥天錫各手詔
答之六月癸酉魯迷西番遣人貢獅子四十四年八
月庚午山西陽曲縣生員鄧登高獻白兔九月戊戌
交城王進白鹿言得之平陽府藐姑射山并撰頌以
獻四十五年六月丁卯太醫院吏目李乾獻瑞兔體
備五色七月癸丑永和玉新壇獻白鹿

萬曆二十四年九月癸丑鴻臚寺主簿張以述獻白

鹿

天啓七年山東撫臣李精白報產麒麟

崇禎三年八月辛未南苑有四虎傷人七年六月癸

酉嘉定州有小虎卧民人范希增之床九年五月乙巳墊江縣童子獻白兔十七_七婚三月_三臨京師經象房橋羣象哀鳴淚如雨下

犬既

嘉靖二十年民家生一犬八足四耳四目

萬曆四十七年七月癸丑懷寧縣民家產一犬長五寸高四寸一頭二身八脚狀類人皆犬既也

白青白祥

洪武十四年九月甲辰白氣貫日二十一年三月壬午夜白雲貫月暈